



PAMFLET

1140











CANTIQUE  
DES VICTOIRES  
OBTENUES PAR L'ILLV-  
STRE PRINCE MAURICE  
DE NASSAU,

Gouverneur & Capitaine general des Provinces unies du  
Pais bas : accompagné d'un ample discours, touchant  
la défaite de l'armée du Duc Albert, au-  
pres de Nieuport, le 2<sup>me</sup> de  
Juillet, 1600.

Ensemble,

Vn Sonet à son Excellence, un au Prince HENRI son  
frere, & un autre pour la conclusion de ce  
Cantique. Le tout

Par

I. COVTEREELS, d'Anvers:



A MIDDELBOURG,  
Chez Richard Schilders, Imprimeur de Messieurs les  
Estats de Zelande, 1600.

1140

67



TANDEM BONA CAUSA  
TRIUMPHAT.



IE MAINTIENDRAY. NASSAV.

A Middelburg.  
Chez Richard Schilders, Imprimeur de Meilleurs les  
Etats de Zelande, 1600.



26

AV TRES-ILLVSTRE  
Prince MAVRICE DE NASSAV,  
GOVERNEVR ET CAPITAL-  
NE GENERAL DES PROVINCES  
VNIES DV PAIS BAS, ET GRAND  
ADMIRAL DE LA MER.

SONET.

*T*u n'estois point encor au printemps de ton age  
Quand tu trempas ton fer dans le sang inhumain  
Du barbare Tiran: Quand ta vaillante main  
Bien bravement dompta de l'Espagnol la rage.  
Dés lors qu'il t'a fallu suivre de Mars l'or age,  
Tu froisses, brise & romps les corps & le dessain  
De tes fiers ennemis: Tu ne fais rien en vain:  
Admirable tu es de vie & de courage.  
Et braquant tes canons, brave, tu fais branler,  
Tu foudroyes celui qui cuidoit t'avaller,  
Tu batailles, tu vaincs, Villes, Chasteaux, Gendarmes.  
Illustre de NASSAV, n'endure nullement  
Ces grands monstres hideux: poursui les vaillamment:  
Resister ne pourront à tes guerrieres armes.





# A MONSIEUR LE

PRINCE HENRI DE NASSAV,

*retournant de Flandres, apres que le Prince*

MAVRICE son frere avoit gagné la ba-  
taille contre le Duc Albert

*audit pais.*

## SONET.

HENRI noble & benin, HENRI digne & heureux  
D'estre fils d'un tel Prince, & d'avoir un tel frere,  
Qui est l'esperoir des bons, comme a esté ton Pere,  
Ton Pere, frere & toi, trois rares dons des cieux.

Bien les traces tu suis de tes nobles ayeux,  
De ton frere guerrier : à te voir tost i'espere  
L'effroi de tous meschants, & un Prince prospere,  
Marchant comme un Cesar le pas victorieux.

Encor que tu ne sois en l'avril de ton age,  
Esbahi, on t'admire & loue le courage  
Qu'en Flandre tu avois, leune & brave guerrier.

Courageux, tu voulois partout ton frere suivre,  
Mourir avecques lui, & avecques lui vivre.  
De la victoire aussi tu portes le laurier.

CANTI.





# CANTIQUE

Des victoires obtenuës par l'Illustre  
Prince MAURICE DE NASSAV,  
Gouverneur & Capitaine general des Pro-  
vinces unies du païs bas : & signament de la de-  
faite de l'armée du Duc Albert, auprès de  
Nieuport, le 2<sup>me</sup> de Juillet,  
mille six cent.



*V*elle torche Delphique illumine nös yeux ?  
He Dieu! quelle clarté nous rayonne des cieux?  
*Q*uel bñ air doux-serain nous vient ore des nuës?  
*Q*uel hymne triomphal resonne par nos ruës?

*M*ille & mille ont ouï ceste divine voix  
Par nös belles Cités, par nös champs, par nös bois,  
*Q*ue veut dire ce bruit ? seroit il bien possible  
*Q*ue ia l'ost Espagnol, qui sembloit invincible,  
*C*ouard, s'enfuïroit ? Et que le Dieu des Dieux  
*A*uroit en route mis ce camp audacieux ?

*F*ai, Pere de ce Tout, que de ceste victoire  
*I*e face à nös Neveux un beau hymne à ta gloire,  
*E*t que puisse estaller dedans mes foibles vers  
*L*es exploits de NASSAV, la rage des pervers,  
*F*ai qu'ores le Nectar coule dedans ma plume,  
*P*our former un doux chant, & non un grand volume:

A 3

O ciel



O ciel, ô terre, ô Mer, enfans de l'univers,  
 Astres, Lune & Soleil, oyez les faits divers,  
 Les naïves faveurs, & les grandes merveilles  
 Du favorable Dieu, destoupés vós oreilles.  
 O ciel seraine toi, appaise toi ô Mer,  
 Aeol retiens or ton vagabond venter,  
 Toi peuple du grand Dieu escoute le cantique  
 Que ie veux entonner en la langue gallique.  
 He quoi ! ma Muse, quoi ? ma Muse que veux-tu  
 De bon nous emboucher ? Quelle gloire ou vertu  
 Nous voudra-tu chanter ? seroit bien ceste armée  
 De l'Archeduc Albert en route & en fumée ?  
 Auroit di-ie deia l'Eternel Dieu permis  
 Que le camp ennemi seroit en route mis ?  
 Mon ame esgaye-toi, i'apperçoi la victoire,  
 Et mon Prince marcher d'une fameuse gloire.  
 Triomphant ie le voi, & d'un cœur valeureux  
 Il vient, voit & abat l'Espagnol orgueilleux.  
 Magnanime Guerrier, benin, prudent & sage,  
 Toujours sur l'ennemi tu as eu l'avantage,  
 Quand ton camp genereux est venu se planter  
 Devant Zutphen, Steenwijck, Nimegues, Deventer,  
 Grol, Groeningues aussi, que nul Roi n'a seu prendre,  
 A ta devotion tost se sont venus rendre.  
 Nonobstant tout cela, plusieurs autres païs,  
 Villes & forts Chasteaux, hardi, tu as conquis.  
 Au felon mois de Mars, la grande forteresse  
 D'André vas assieger, vers toi elle s'abaisse.  
 Tu l'emportes : tu vains les cœurs de ses souldars,  
 Humbles se viennent rendre à toi de toutes pars,  
 Tu les reçois pour tiens, & ils te font promesse  
 De toute loyauté : admirans ta hauteesse.

Faute



40

Faut il venir aux mains dessus le plat país ?  
 Mon Prince tout premier fonce ses ennemis,  
 Il entre front à front au camp de la bataille,  
 Il court, choque, renverse, à travers il charmaille.  
 On l'a veu à Tournhout, ou mon Prince un matin  
 Hardi, alla trouver son ennemi matin,  
 Et arma ses soldats de fer & de courage,  
 Pour, brave, bien dompter de l'Espagnol la rage.  
 Ton chevaleureux camp n'attendoit que le cor,  
 Le fifre, le tabour, ni la trompette encor  
 Sonnaissent la bataille, ains, vifte, vont aux armes,  
 Chamaillans, abatoyent en ces chaudes alarmes,  
 Deux mille hommes d'un choc: chose effroyable à voir,  
 L'un sans teste gisoit, l'autre n'avoit pour voir  
 De se trainer, hélas! tant estoyent miserables,  
 L'un sans iambe, sans bras, iette cris pitoyables,  
 L'autre ne vit, ne meurt: voit en mesme saison  
 Du bas & haut lupin l'ennuieuse maison.  
 Leurs heaumes, boucliers, ni leurs fortes cuirasses  
 Ne pouvoient resister à tes pesantes masses.  
 Le peuple mille-fois dire se peut heureux  
 D'avoir un tel Seigneur, tousiours victorieux,  
 Conduit de l'Esprit saint, de l'Eternelle gloire,  
 A lui le trois-fois saint, a donné la victoire.  
 Je te prie ô grand Dieu, nous faire la faveur  
 Que de tes ennemis il demeure vainqueur:  
 Ne permets ces hiboux, meurtriers de ton Eglise,  
 Venir à leur dessein, brise leur entreprise:  
 Fai qu'en ton temple saint on oye resonnant  
 A ta gloire Seigneur, un hymne triomphant.  
 Muse, change propos, retournons aux alarmes  
 Et aux combats: di-moi, pourquoi tant de gendarmes

Anglois,



Anglois, Flamens, Walons, Almans & Escossois,  
 S'amassoyent en Zelande avec tant de François?  
 Declare au monde aussi les faits de nostre Prince,  
 Corne-le, sonne haut, par chacune province.

Ou suis-ie transporté? He mon Dieu quel plaisir  
 J'ai de veoir tel amas, leur chaleureux desir,  
 La Mer se tarit d'aise, & les monts qui sautellent,  
 Les hauts Rochers cambrez à leur bal les appellent,  
 L'un & l'autre s'esgaye, un chacun s'esjouit:  
 Le tonnere & le vent ne font d'aise aucun bruit,  
 Nôs beaux prez tapissez, nôs champs mignards en rien,  
 Les peuples reformez pour la victoire prient.

Voi, voi combien de nef, combien de grands bateaux,  
 Mille & mille par fois sur nôs Beligiques eaux,  
 Voi les beaux escadrons, les belles promenades,  
 Ore çà ore là par nôs Adelantades.

Ha: i'apprçoi venir mon Prince genereux  
 MAURICE de NASSAU, un Prince autant heureux  
 Magnifique & benin, que le ciel ait fait naistre,  
 Vn valeureux guerrier, aux armes un grand maistre,  
 Dont la main acerée & le glaiue trenchant,  
 Fait trembler devant soi l'Espagnol en marchant.

He! quels grands appareils? quelle armée navale?  
 Onques en ces païs n'a esté flotte esgale..  
 Voi comment de ces nef, l'une va viftement,  
 L'autre monte, & avale, & vole dextrement  
 Par le Neptun profond, dont la vague bruyante  
 En divers lieux se fend par sa charge pesante.  
 Jamais di-ie on n'a veu tant de vaisseaux s'armer  
 Sur le flot incertain de l'ondoyante Mer.

Balançans haut & bas, faire voile ils commencent,  
 L'un premier, l'autre apres pour la Flandre s'avancent,

De



De main droite & main gauche à Philippine tous  
Arivent, car illec estoit leur Rendez-vous.  
Les premiers abordez, ayant eu vent en poupe,  
Vont raser Philippine en attendant la troupe.  
Puis apres de NASSAV & ses vaillans soudars  
A pied & à cheval, y vont de toutes pars:  
Pied à terre mettant, au plus beau de la Flandre  
Mon Prince alla marcher comme un preux Alexandre,  
L'avan-garde premier, le bataillon apres,  
L'arriere-garde aussi les suivoit de bien pres:  
En si bon ordre estant ces troupes amassées,  
Ie di ce camp royal, en bien peu de iournées  
Gagnent divers Chasteaux, vainquent plusieurs soudars,  
Arivent à Nieuport deffous leurs estandars:  
Mais ils n'estoyent encor sous les murs de la ville,  
Que l'ennemi ne vint, plus de six fois deux mille,  
A pied & à cheval entre Ostende & Nieuport,  
Regagnent Audembourg, Snaef-kerck un petit fort,  
Massacrent nôs soldats contre la foi promise  
Par l'Archeduc Albert: ceste faute commise  
Guerdonnée leur fut, voir en moins d'un quart-iour,  
Ils sentirent les coups de nôs fers à leur tour.  
Enflés, s'estoyent promis d'accabler nostre armée,  
Ains l'heureux de NASSAV sachant leur arrivée  
Fait marcher aussi tost deux ou trois regimens  
De ses chers soldats, contre ces Mal-contens,  
Pensant les empescher quelque certain passage,  
Ils y vindrent trop tard, ia, deia l'avantage  
Sur ces chemins avoyent les tirans inhumains:  
L'un, l'autre rencontrans, on tire, on vient aux mains,  
On bourelle, on foudroie, on chamaille au possible,  
On crie, on meine bruit, d'une frayeur terrible:

B

De



De leurs armes & voix, plus que le Nil bruoyent,  
 Qui tombe de ses rocs, tant & tant tempestoyent:  
 Douze mille ennemis estoient illec en armes,  
 Des nostres seulement que trois mille gendarmes,  
 Qui causa que nés gens furent en route mis,  
 Emmenés, bourellés, tués des ennemis:  
 A la chaude, en sang froid, de ceste matinée  
 Ils donnoient plusieurs coups sur nostre foible armée,  
 Laquelle neantmoins de son fer ravageant  
 Renvoya au trespas de leurs gens bien autant.  
 Le courageux NASSAV entendant la meslée,  
 Fait passer vîstement la reste de l'armée  
 Le havre de Nieuport: lequel estoit pour lors  
 Fort bas d'eau: car la Mer transportoit son grand cors.  
 Croyés que l'Infini, qui gouverne le monde,  
 Voulut que pour alors de la grande Mer l'onde,  
 Cerchat autre rivage, autre havre, autre port,  
 Et qu'elle abandonna la Rive de Nieuport.  
 Tost passoyent ce Canal nés adextres gendarmes,  
 Chaussés & deschaussés avec toutes leurs armes,  
 Ce ne fut sans travail, sans risque, sans danger:  
 Estans donques passés, vîste, se vont ranger  
 En ordre de bataille: & d'un constant courage  
 S'arment de fer, d'acier, se masquent le visage  
 D'un horrible fureur: & marchent, valeureux,  
 Résolus, d'attaquer l'Ost Espagnol fumeux.  
 Ore le gros s'avance, or d'aller on commande  
 L'un escadron deçà, & delà l'autre bande.  
 Pour Albert l'avant-ieu ne dura longuement,  
 Car la chance bien tost tourna tout autrement.  
 Mon Prince donc étant en ordre de bataille,  
 Marche le fer au poing furieux, il travaille,

Sage,



Sage, il dispose tout, il discoure, il debat,  
 Pour, brave, remporter le pris de ce combat:  
 Il recule tantost, & tantost il s'avance,  
 Les siens il encourage à faire la vengeance  
 Du premier choc perdu: Il marche le grand pas  
 D'un escadron à autre, il ne s'arreste pas:  
 Ce tant Illustre chef, ce Guerrier invincible,  
 Cherche mille moyens à l'ennemi nuisible:  
 Il fit comme Annibal avoit fait aux Romains,  
 Il donna dans les yeux des mutins inhumains  
 Le Soleil & le Vent, qui à leur grand dommage  
 Ronfloit, soufloit, bruyoit, & NASSAV d'un courage  
 Dit lors, ça mes soldats, mes freres, mes amis,  
 Ne doutons nullement, fons nos ennemis:  
 Auiourd'hui avec vous ie veux mourir & vivre,  
 Courage mes enfans, ne faillés à me suivre.  
 Car si ne combatés, où voulés vous fuir?  
 Voila les flots cruels prest à nous engloutir,  
 Et à l'autre costé un fort plain de gendarmes,  
 Nieuport derriere nous, & devant nous en armes  
 L'Archeduc & les siens: Dites moi quel endroit  
 Pour pouvoir eschaper qui, couard, s'ensuiroit?  
 Il n'y à nul remede, il faut donques combattre,  
 Il faut faire un chemin, Il faut tacher d'abatre  
 Ces farouches guerriers, & nous vaincre du tort  
 Qu'ils ont fait à nos gens; contre un si ferme accord.  
 Portons nous vaillamment, montrons que nous ne sommes  
 Couiards, comme ils ont dit, ains des valeureux hommes.  
 Alors tous les soldats prest à fons dedans,  
 Remarquent, resolus, le camp des mal-contens,  
 Promettent, courageux, de n'espargner leur vie,  
 De vivre & de mourir pour la chere patrie:



Un chacun s'aprestoit, s'aprochoit, s'avançoit,  
 Dans l'un & l'autre camp la rage s'augmentoit,  
 On sonne les tabours, clairons, fifres, trompettes,  
 On tire des canons, harquebuses, mousquettes,  
 En somme on vient aux mains, à l'espée, au poignard,  
 Hommes, chevaux armés percent de part en part:  
 On chamaille par tout, la sanglante vengeance  
 Arme d'un cœur d'acier l'une & l'autre puissance.  
 Mille hommes d'un achoc par terre tombent mors,  
 Ils font de sang un fleuve, ils font un mont de cors:  
 Il sembloit que ce iour en deux le ciel d'eust fendre,  
 Et mettre en un instant hommes, chevaux en cendre:  
 Les coups confusément dedans l'air resonnoient,  
 Bourdonnoient, tempestoyent, aloyent, venoyent, bruyoyent.  
 On voyoit à ce coup les espesses bruines  
 Couvrir ce grand amas, les Dunes, les colines,  
 Tous les esprits venteux, en nature divers  
 Sortoyent de tous les coings de ce grand Vnivers.  
 D'autre costé Neptun d'une furie grande,  
 Cuidoit tost avaller & l'une & l'autre bande:  
 De moment en moment s'augmentoit ceste Mer,  
 Comme si tout le monde elle d'eust abismer.  
 Et voyant ces deux camps que de long le rivage  
 Les flots les empeschoyent, vont faire leur carnage  
 Aux Dunes les pietons: dessus le plat païs  
 Les brusques chevaliers: Ains l'Ost des ennemis,  
 Superbe, se tenoit sur les Dunes plus grandes,  
 Descouvrant de nés gens les chancelantes bandes.  
 Nés soldats neantmoins les suivent haut & bas,  
 Et quoi que harassés, ils n'arrestent leurs pas:  
 L'un eschelle les monts, des Dunes l'autre avale,  
 L'un semble s'esgarer dans un facheux Dedale,



13  
Et l'autre se va rendre aux abismes profonds  
De l'homicide Mer, dans les bras des Tritons.  
Le bataillon testu de ces bandes mutines  
Reparerent ce iour plusieurs grandes ruines.  
On revient au combat plus cruel que devant,  
L'un va son ennemi iusqu'au ventre fendant,  
L'autre comme enragé, d'un coutelas il frape,  
Sans que pas un seul coup de sa dextre n'eschape.  
Un rocher de metal sembloit l'un & l'autre Ost,  
La nul ne vent ceder, l'un gagne & perd tantost,  
L'autre fonce, recule, aproche & se retire,  
La rage croist tousiours, tousiours s'augmente l'ire:  
Tantost les mal-contents sont par nôs gens chassés,  
Et nôs gens sont tantost par iceux rechassés.  
L'un escadron s'avance, & l'autre se desplace,  
Tantost loge la peur où se campoit l'audace:  
L'un revient en son lieu, & l'autre enfle en son cœur,  
Le vainqueur est vaincu, le vaincu est vainqueur.  
Bref le combat ayant duré sur ceste plaine  
Bien quatre heures de tems, la victoire incertaine  
Vole de camp en camp: nul ne sait qui l'aura:  
O mille-fois heureux à qui elle eschera:  
Heureux vraiment celui qui aura ceste dame,  
Et qui pourra humer de sa bouche un doux bame:  
Les Rois, les grands Seigneurs aimeront cest espoux,  
Tous ages à son los feront de hymnes doux.

Mon Prince rependant au fort de la bataille,  
Courageux, de la lame il perce, il fend, il taille,  
Hardi, donne à travers de ses fiers ennemis,  
Iuste, recompensoit, ce qu'ils avoyent commis.  
Huit pour deux à ce coup sur la place perdirent,  
Bien viste au grand galop, decà, delà s'enfuirent:



Les nostres suivent tost ceux qui fuyant s'en vont,  
 Blessent de plusieurs coups, l'un au bras, l'autre au front:  
 A l'un l'espaule pend, à l'autre les entrailles,  
 En cent ans on n'a veu si cruelles batailles,  
 L'un est blessé au col, l'autre l'est dans le flanc,  
 Tout ce pais estoit comme un ruisseau de sang:  
 On n'y veoit que cors morts d'Archers, chevaux, gendarmes,  
 Le chemin est couvert d'enseignes, piques, armes.  
 Cinc Cornettes alors, & cent & cinc drapeaux,  
 Ils perdirent meslés, riches, vieux, & nouveaux,  
 On fait estat aussi qu'en ceste tragedie,  
 Bien sept mille des leurs y laisserent la vie,  
 Sans les Contes, les Dons, que Mars tant furieux,  
 Fit passer par le fil de son glaive outrageux.  
 Don Gaspar, Don Ambroise, & Don Piedro d'Avile,  
 Don Lois, Don Philippe, & autres en ceste Isle  
 Finirent par le fer: La Fere qui estoit  
 Prins en ce chaud combat, peu apres decedoit.  
 Capitaines en chef de vingt & cinc à trente,  
 Sentirent tant de coups, que de la grand tourmente,  
 Contrains furent aussi de quitter l'Univers,  
 Et de laisser leur corps aux corbeaux, & aux vers.  
 Ceux qui restent encor s'ensuyent de la guerre,  
 Plus viste que mastins ils quittent ceste terre.  
 He! ma muse, di-moi, laisse là les combas,  
 Qu'est devenu mon Prince? He! ie ne le voi pas,  
 Grand Dieu, qu'est devenu nostre invincible Achille,  
 Dont la vaillante main fait trembler mille & mille,  
 Des plus hardis guerriers: le croi que trop avant  
 Il aura pour suivi l'ennemi galopant.  
 Courage ie le voi, ha: ie le voi, courage:  
 Voi quel lustre angelique embellit son visage,

Le



17  
Nôs Princes & Seigneurs, fai leur di-ie la grace,

53  
15  
Le voici, il s'aproche, & d'un cœur valeureux,  
Triomphant, il chemine un pas victorieux.  
He! que de prisonniers mon Prince nous ameine,  
He Dieu! quel camp nouveau de vers nous se promeine,  
L'Admirant d'Aragon est prisonnier aussi,  
Aveques tout son train: Et des nobles ceux-ci  
Don Loïs de Villiar, & Don Diego di Torres,  
Don Diego de Diague, & Don Lopes encores,  
Don Gonsalo Spinose, & Gaspar Marian,  
Don Iuan, Don Piedr' aussi, Don Diego de Ioufman,  
Don Garci de Toleda, Alonso Carcommere,  
Philippo de l'Argil, le Conte de la Fere,  
Don Sapène & les siens, le Conte Salms aussi,  
Et le Conte Resin, furent prins à merci:  
En outre six-fois dix grands chefs & Capitaines,  
Furent apprehendés dessus ces larges plaines:  
Sept à huit cent soldats on meine en nôs prisons,  
Aux Villes, aux Chasteaux, aux plus fortes maisons.  
A toi ô Prince heureux, à toi est la victoire,  
Et au Dieu souverain perpetuelle gloire:  
C'est toi ô de NASSAV, qui es le digne Espous  
De la belle victoire, & qui as entre tous  
Merité double honneur: car tes trenchantes armes  
Ont fait quitter le camp à tous autres gendarmes.  
La Barlotte depuis, hardi, s'escarmouchant,  
Receut le coup mortel, & autres d'un fendant,  
Ores en un combat, ore en une saillie,  
Tant grands chefs, que soldats y laisserent la vie.  
Courage de NASSAV, les Rois t'honoreront,  
Tout age, toute voix, ta gloire chanteront.  
Pousse tousiours avant, ta cause est iuste & bonne,  
Esloufe-moi ce monstre, & mille coups lui donne:

Re



Regueri-moi son mal par le fer, par le feu,  
 Car tout autre remede y seruiroit bien peu:  
 Eschouë-moi cest hidre en une Mer profonde,  
 Et de ton beau renom rempli-moi tout le monde.  
 Courage, ne crains point, car l'Eternel tousiours  
 Benira ton labeur: Il sera ton secours.  
 Noble Prince pour sui: car onc en ceste terre,  
 Bonne paix nous n'aurons, si ce n'est par ta guerre.  
 Toutesfois Monseigneur, ne precipite pas  
 Ton beau nom tant souvent en si hideux combas.  
 Sois chiche de ta vie, & à toi prend bien garde:  
 Ne t'expose plus tant, & tant ne te hasarde:  
 Garde ta vie mieux, mon second fondateur,  
 Mon apui, mon bouclier, mon bien-aimé Seigneur:  
 Plus que par le passé garde toi, ie te prie,  
 Ta mort seroit ma mort, & ta vie est ma vie.  
 Et vous, mes chers Seigneurs, les Estats de Hollande,  
 De Frise, Geldre aussi, d'ailleurs & de Zelande,  
 Nobles, Sages, Discrets, vous qui avés en main  
 Nôs vies & nôs biens de par le Souverain:  
 Ne permettes iamais que ceste Loi Divine,  
 Le chemin de salut, en ces pais decline:  
 Ainçois taches plustost que le grand Dieu des Dieux,  
 Puisse estre purement adoré en tous lieux.  
 Messieurs qui tant avés travaillé pour la gloire  
 De l'Orient d'en haut: ne cesses: la victoire  
 Voltige en vostre camp: l'espere desormais  
 Veoir fleurir vôs Cités en foi plus que iamais,  
 En bonnes meurs, en loix, en savoir, en richesse,  
 En divers arts encor vostre verte ieunesse.  
 A ces fins, ô grand Dieu, Eternel Roi des Rois,  
 Le flambeau des flambeaux: conduis en tous endroits

Nôs



Nos Princes & Seigneurs, fai leur di- ie la grace,  
 Que tout leur bon vouloir heureusement se face:  
 Preside en leurs conseils: & dissipe tousiours  
 Les machinations, les complots, les discours,  
 De tous nos ennemis: Ne permets la vistoire  
 Regner en autre camp, qu'au tien, ô Dieu de gloire.  
 Et si c'est ton plaisir fai changer desormais,  
 Ceste guerre civile en une heureuse paix.

F I N.

*Comparaison des Israélites au desert,  
 & des Nassaurviens en Flandre, Ensemble l'heu-  
 reux succès de l'un & de l'autre.*

Tout ainsi qu'au desert les enfans d'Israël  
 Pour retraite n'avoient que l'onde esmerveillable,  
 Lors qu'ils estoient suivis par ce Roi miserable  
 Pharao, Roi tiran, Roi superbe & cruel.

NASSAV semblablement estoit en danger tel  
 En ce dernier exploit: Mais le Dieu favorable  
 Heureux, l'en delivra par moyen admirable:  
 Comme à ceux du desert avoit fait l'Eternel.

Et Moïse & sa suite à sec la Mer passerent,  
 Pharao & les siens ensemble y submergerent:  
 De NASSAV & son camp foncent les ennemis.

Albert avoit voué de n'espargner personne,  
 Ains le Dieu de ce Tout qui la victoire donne,  
 Fit qu'Albert & son Ost furent en route mis.

C



# Au Lecteur debonnaire

## SONET.

Celui qui en public bastit ou edifie,  
 Plusieurs Maistres il a : encor que son labeur  
 Soit sans reproche aucun : & que le sot iaseur  
 N'entende le subiect de ce qu'il calomnie.

Zoile impudent sophiste, homme rempli d'envie,  
 Pensoit se faire grand, reprenant cest Autheur.


HOMERE, qui estoit tant brave composeur:  
 Mais qu'eust-il pour loyer? un renom d'infamie.

Tout autant recevra le iappeur envieux,  
 Lequel va imitant, ce Zoile iniurieux,  
 Et qui tache, bavard, diffamer sans mieux faire.

APELLES qui estoit un peintre si parfait,  
 Commande au sivetier, se mesler de son fait:  
 L'enseignant par cela de bien dire, ou se taire.







*A Monsieur COVTEREELS, sur son*  
*Discours de la bataille du 2<sup>me</sup> Juillet,*  
*1600.*

*S O N E T.*

*Quel los meritera cil qui des beaux faits d'armes*  
*Discoure, & nous fait veoir l'acte si dextrement:*  
*Quel los merite encor celui qui promptement*  
*Sait l'acte effectuer: se trouvant aux vacarmes.*

*Il y a de l'honneur à faire des beaux carmes:*  
*Il y a double honneur au combat voirement:*  
*Il faut donc d'un Laurier couronner l'argument,*  
*Le Cesar valeureux, & ses brusques gendarmes.*

*Tu as tant bravement discoursu de ce fait,*  
*Que ie croi COVTEREELS qu'en toi les Dieux l'ont fait,*  
*Et que ta plume au sang s'est mesme entremeslée.*

*I'y fu, mais dès que i'oi ta plume chamailler,*  
*Je me tai, car i'y voy mon Prince batailler,*  
*Et me semble qu'encor ie suis en la meslée.*

*G. FOVRMENOIS.*







